




海昌著錄續攷卷三



石南老人蔣學堅撰

門人費

寅校錄

吳敦乙照子救公號闇莊咸豐辛亥恩科舉人官寧

波府教授

憫忠感舊志

查彥鈞元偁子字英韶號硯君官兵部郎中

眠琴館詩鈔

見杭郡詩三輯

周士清思兼子字次軒號離恨生咸豐壬子舉人工駢體
文幕游四方客江左最久朱廉訪鈞吳觀察雲皆極器

重之

享金齋詩集二卷俞氏鳳翰題辭 享金齋駢體文一卷 並見輜軒續錄

許誦宣棧子字靖甫道光己酉拔貢咸豐壬子副貢官江蘇銅仁知縣

雪浪齋詩鈔 見杭郡詩三輯輜軒續錄作詩贖

陸齊壽原名振之字魯民號泐山咸豐癸丑歲貢

最樂山莊文鈔二卷 最樂山莊詩鈔八卷俱刊本

應氏時良序略云泐山童時即著論數萬言驚長老既為諸生專力于詩嗣響射山抗衡少白家學宗風

藉以弗墜

漢易圖說拾義 詩經三注考異 古錄書窻隨筆

醫學萃精俱未定卷

吳元禧原名承保字寶三號葆珊咸豐癸丑郡庠歲貢官家山訓導嘗監理萬松書院善醫辛酉之變避居長安村落絕粒而卒

景岳全書注 見杭郡詩三輯

唐蔭槐字韻山諸生

鹿鹿知事理一卷 韻山詩稿四卷並未刊

吳汝燮原名之茂字柳門諸生

西齋吟草 見杭郡詩三輯

祝有琳原名震字靖叔號玉生又號吟廬諸生

堅香小隱詩鈔同治甲子張士寬刊 鏤月詩餘 見馬鏡蓉撰傳

潘 經學詩子字緯臣號薇垣又號薇園

薇垣吟稿一卷 見峽川詩續鈔

高予綬

仿歐詩文稿未刊

錢福亮字補陔附貢生

補陔詩鈔未刊今存山東其子寶昌處

居鴻謨字蓮浦諸生年七十九重游泮水卒年八十五

藝蘭山房詩存四卷許氏楣序未刊燬于兵燹

耄餘吟一卷皆晚年之作子育馨輯

查奕錕字金扶號也山嘗五參幕善星禽之術

桐蔭書屋詩鈔 見杭郡詩三輯

陳亢吉字藹人寄籍海鹽為諸生

藕花軒詩草一卷 見硤川詩續鈔

曹師曾字閔孫字翰芳號朔韓

采菊山莊詩稿一卷 見硤川詩續鈔

謝澧蘭字瘦仙海鹽籍住硤石

庚寅草一卷刊本

吳氏應和序云瘦仙幼貧不克從師稍長乃知向學
夜發逆旅主人插架所藏書讀之恒達旦尤好史漢
通鑑諸書既而讀漢魏六朝三唐詩始學作韻語學
有根柢故其辭氣雄健近岑嘉州李東川而不落空
響嘗游齊魯燕趙登臨吊古之作一時知名士咸擊
節嘆賞忽念親老束裝歸鄉黨後進袖詩請業者屢
滿戶外周旋一室自有樂境

許光治光清弟字龍華號彙梅又號穗媽廩膳生
校正金石粹編八卷 見府志 有聲畫一卷 江山風

月譜二卷以上俱列入蔣氏別下齋叢書 放吟六卷

紅蟬香館集四卷

從子仁杰跋云有聲畫一卷皆題畫之作并江山風
月譜詞曲二卷已列入別下齋叢書放吟六卷尚是
叔手錄之本皆十七歲以前之詩紅蟬香館集四卷
則仁杰蒐輯遺稿合詩文詞曲彙編成帙蓋僅存十
之一二耳

沈 鏞元熙孫原名其相字二如諸生

北亞山人詩草 見硤川詩續鈔

徐 模字月每

石林精舍詩存一卷王丹墀序未刊
查人倬字仲昭號雲章又號筠長廩生
歲寒居詩集

羊宗道原名成村又名登萊字子牧號小峴諸生善畫山水每有所作輒自題詩其上

贊雪山房詩存僅三頁子復禮刊於其從兄敬慎居詩後杭郡詩三輯作贊雪廩詩鈔

馬榮又名晉康字荔盒號小溪工畫山水

三餘集見杭郡詩三輯

王士雄字潛齋號孟英又號夢隱

王氏醫案二卷原名回春錄咸豐元年同郡周氏鐫輯刻

并序云予友王君孟英少年失怙其尊人彌留之際執孟英手而囑曰人生天地之間必期有用於世汝識斯言吾無憾矣孟英泣拜而銘諸心版然自顧家貧性介不能為利達之人將何以為世用耶聞先哲有不為良相則為良醫之語因自顏其室曰潛齋而銳志於軒岐之學潛心研究遂扶其微年未冠游長山即納交於予每見其治病之奇若有天授而視疾之暇恒手一編不輟也結瞻其齋頭一聯云讀書明

理好學虛心可見苦志力學蘊之胸中者淵深莫測
乃能窮理盡性出之指下者神妙難言二十年來活
人無算豈非以用世之才運其濟世之術而可垂之
後世者哉今就予耳目所及之妙法仿丁長孺刻仲
淳案之例錄而付梓名曰回春錄見聞有限遺美良
多世之君子必有如莊斂之華油雲其人者更為之
遠搜博采以廣其傳而予糠粃在前有榮施矣此
外別有定州楊氏照藜序

王氏醫案續編八卷

原名仁術志前三卷山左張氏鴻輯刊序云甲辰春

予館於蘇撫孫篋谷親家署中偶見回春錄二卷乃
吾畏友王君之醫案也亟為卒讀因歎孟英抱用世
之才工壽世之術周君輯而存之其功大矣其傳必
矣或疑案中多引而未發之言似非惠嘉來茲之道
余謂不然夫醫者意也昔人云吾意所解口不能宣
詎有所吝而不言耶錄其已言垂為後世法輯案者
之意也求所未言默契作者意讀案者之法也試以
此質之孟英必以予為善讀也後之覽者將更有好
學深思心知其意而為之注釋其書神明其法以宏
其壽世之道奚止善讀如予而已哉惟予老矣沒世

無稱聖人所疾羨周君之先為着鞭敢不勉為追步
以期附驥而彰爰采今年耳目所及之如干案志之
剗剔且回春之名似與萬病回春相襲乃題其篇曰
仁術志素子所謂堯舜之政周孔之教神農之藥皆
術也皆所以行其仁也推廣仁術是所望於續刻之
君子此外別有秀水莊氏仲方仁和趙氏夢齡兩
序

後五卷山陰陳氏坤輯刻序云余承世業幼讀醫書
而閱歷三十年愈覺斯道之難精竊謂宋元以來名
家夥矣無不立言有所偏倚若薛立齋張會卿趙養

葵李士材之派則其尤甚者也國朝一切著述莫
不邁越前古醫林自喻氏崛起之後羣賢迭出於斯
為盛然張路玉精於論溫而勞損之陰陽不別徐靈
胎通乎古今之變而拘守柴胡以治瘧雖尺有所短
而瑕不掩瑜彼柯韻玉之辨而好為穿鑿黃坤載陳
修園之博而偏於溫燥坐而言則可起而行則礙以
吳鞠通之明而混疫於溫致章虛谷之議更不知霍
亂有寒熱之分則尤陋矣此孟英霍亂論之所由述
也余讀其書神交數載幸一葦可杭復蒙寄示回春
醫案二卷展譯之餘益信其抱有猷有為有守之才

故能鑄古鎔今隨機應變可以坐而言可以起而行
不愧為一代之名家今春來越視樗里王姓之證始
得把臂快慰平生賞奇析疑別聆妙悟翻恨相見太
遲致余聞道之晚也且知尚有仁術志一書乃張趙
諸君輯其近案猶未梓行余不敏敢不步塵續采以
當執鞭之忻慕乎 後有又族兄燮跋一篇

霍亂論二卷刊本海鹽張氏洵穀水諸葛氏金存同郡
謝氏家柱跋

又自序云霍亂急證也霍亂而轉筋則證之尤急者
也然內經發其論先哲著其方矣奈往往有惑於吊

腳痧之名而駭為奇特之病目眩心疑妄施治療抑
何陋哉夫吊腳痧俗稱也以其上吐下利之後筋轉
於腓而動掣與呼乾霍亂為絞腸痧同其比喻耳有
指鹿為馬而好為大言以欺人者開口傷寒論動手
四逆湯鹵莽滅裂似是而非更可歎矣若傷寒論乃
金科玉律之書不得草草讀書過者觀其論霍亂首
以寒多熱多分治是霍亂原有陰陽之殊也但五苓
散外何竟無一言以及熱症之治豈聖人垂訓亦爾
偏疏蓋由書傳兵火之後難免遺妄之憾因此識彼
在學者之自得焉矧四逆湯條於既吐且利之下緊

接曰小便復刊重申曰下利清穀是何如其叮嚀而
瞻顧耶苟不識此而竟敢妄援其例以誤人者不得
藉口聖人而自卸其罪也且是證也每發於夏秋之
間甚則流行似疫闔境皆然謂非暑溼熱之所釀抑
何至於此極乎其間亦有陰熱之證者皆是安逸之
人有自取之道不可因此而概彼也故雄謂霍亂之
屬熱者主病之常也衆之所同也霍亂之屬寒者他
氣之逆也人之所獨也憫世人之惑於俗誣於古而
未明夫常變之道也因述其大畧參以管窺而質之
大方云爾道光戊戌春三月

溫熱經緯五卷光緒三年重刊有趙氏夢齡楊氏慕序
烏程汪氏曰楨贊

又自序云內經云天有四時五行以生長收藏以生
寒暑燥溼風夫此五氣原以化生萬物而人或感之
為病者非天氣有偶偏即人氣有未和也難經云傷
寒有五有中風有傷寒有溼_溼有熱病有溫病此五
氣感人古人皆謂之傷寒故仲聖著論亦以傷寒統
之而條分中風傷寒溫病溼暍五者之證治與內經
難經淵源一轍法雖未盡名已備焉陰符經云天有
五賊見之者昌後賢不見遂至議論愈多至理愈晦

或以傷寒為溫熱或以溫熱為傷寒或併疫於風溫
或併風溫於疫或不知有伏氣為病或不知有外感
之過甚至并暑喝二字而不識良可慨已我曹王父
隨筆中首為剖論茲雄不揣愚昧以軒岐仲景之文
為經葉薛諸家之辨為緯纂為溫熱經緯五卷其中
注釋擇昔賢之善者而從之間附管窺必加

案二字以別之俾讀者先將溫暑溼熱諸病名了
然於胸中然後博覽羣書庶不為其所眩惑而知
所取舍矣非敢妄逞意見敬蓋前賢用質通方毋
啗荒陋咸豐二年壬子春二月

歸硯錄 隨息居飲食譜分水飲穀食調和蔬食毛羽
鱗介七門有秀水董氏耀呂氏大綱跋

自序云嗚呼國以民為本而民失其教或以亂天下
人以食為養而飲食失宜或以害身命衛國衛生理
無二致故聖人疾與戰並慎而養與教並重也中庸
曰人莫不飲食也鮮能知味也夫飲食為日用之理
勤進一層善願生者必能善教民也教民極平易修
其孝弟忠信而已願生無元妙節其飲食而已食而
不知有味已為素餐若飽食無教則近於禽獸余嘗
曰子臣弟友聖人之道學也孝弟忠信王者之干城

也聖賢書具在小子何敢贅焉惟飲食乃人之大欲
所存易為腹負故大禹菲飲食而武侯甘淡泊也今
夏石米八千斤藿四十茫茫浩劫呼籛無門呂君慎
庵知我將為餓殍也招游梅涇廡廣川之不窺園無
事可為無路可走悠悠長夜枵腹無聊丐得枯道人
秃筆一枝畫餅思梅纂成此稟題曰飲食譜質諸知
味者或不賤其養小失大而無以教我也咸豐辛酉

秋七月

重校證治鍼經俱未見

許增字莢坪

高陽醉吟草寫本藏硤石石郭氏

朱靜江字斗藻號隱溪

隱溪詩草一卷見硤川詩續鈔

潘華經弟字可叔號菜薊晚號井翁廩貢生官秀水訓
導工八法神似董思白

碧芙蓉室詩詞稿二卷見硤川詩續鈔

馬瀛字二槎監生

吟香仙館書目一卷

蔣氏光煦跋云吾鄉陳仲魚徵君向山閣藏書大半
歸馬二槎上舍上舍予中表行也時得借觀其吟香

仙館書目多世所未見之本有宋本漢書晉書因以漢晉名其齋晉書為天籟閣故物有王弼州手鈔補闕之卷真書林壤寶也

查賡虞字杏鄉號穎香增生

雙玉樓詩鈔 見杭郡詩三輯

李善蘭字秋舛號壬叔諸生同治七年以算學徵 特賞

中書尋擢戶部郎中加四品卿銜充天文館總教習

方園闡幽一卷 弧矢啟秘二卷 對數探源二卷

垛積比類四卷 四元解二卷 麟德術解三卷 橢

圓正術解二卷 橢圓新術一卷 橢圓拾遺三卷

火器直訣一卷 尖錐變法解一卷 級數回求一卷

天算或問一卷以上十三種皆同治六年刻于金陵
總名曰則古昔齋算學有自序

續譯幾何原本九卷刊本湘鄉曾氏國藩序 譯重學
三卷刊本

自序云歲壬子余游滬上將繼徐文定之業譯幾何
原本西士艾君約瑟語余曰君知重學乎余曰何謂
重學曰幾何者度量之學也重學者權衡之學也昔
我西國以權衡之學制器以度量之學考天今則制
器考天皆用重學矣故重學不可不知也我西國言

重學者充棟而以胡君成立所著者為最善約而賅也先生亦有意譯之乎余曰諾于是朝譯幾何暮譯重學閱二年同卒業韓君棗卿既任刻幾何錢君鼎卿亦請以重學付手民同時上板皆印行無幾同燬於兵今湘鄉相國為重刻幾何而制軍肅毅伯亦為重刻重學又同時得復行於世自明萬歷迄今疇人子弟皆能通幾何矣顧未知重學重學分二科一曰靜重學凡以小重測大重如衡之類靜重學也凡以小力引大重如盤車輓轆之類靜重學也一曰動重學推其暫如飛礮擊敵動重學也推其久如五星繞

太陽月繞地動重學也靜重學之器凡桿也輪軸也齒輪也滑車也斜面也螺旋也劈也而其理惟二輪軸齒輪滑車皆桿理也螺旋劈皆斜面理也動重學之率凡三曰力曰質曰速力同則質小者速大質大者速小質同則力小者速小力大者速大靜重學所推者力相定或二力方向同定于一線或二力方向異定于一點動重學所推者力生速凡物不能自動力加之而動若動後不復加力則以平速動若動後恒加力則以漸加速動而其理之最要者有二曰分力曰并力曰重心則動靜二學之所共者也凡二力

加于一體令之靜必定于并力線令之動必行于并力線且物之定必定于重心物之動必行于重心線并力線必經過重心也又凡物必環重心地動是也二物相連而相繞必環公重心月地相攝而動是也故分力并力及重心為重學最要之理也胡氏所著凡十七卷益以流質重學三卷都為二十卷制器考天之理皆寓于其中矣嗚呼今歐羅巴各國日益強盛為中國邊患推原其故制器精也推原制器之精算學明也曾李二公有見于此亟以此付梓上好之下必有甚焉者異日人習算制器日精以威海外之

各國令震攝奉朝貢則是書之刻其功豈淺哉同治五年九月

羣經算學者未成書燬於兵級數句股二卷壬午年著未刊則古昔齋遺詩一卷

蔣學堅手輯跋云壬叔李先生算學為中外所共仰國初王曉庵梅勿庵二先生後當首屈一指詩非其所注意然客携李時與于辛伯孫次公楊小鐵諸君時相唱和里中若許文英坪曹文篁坡及先君子亦時有詩筒往來興復不淺也反被召入都則此調不彈矣先生所著則古昔齋算書十餘種早已鏤板

行世惟詩則未之見寓書問於其甥崔吟梅亦不見
答今於敝篋中檢得當時手稿合以近人集中附刻
詩共五十餘首彙鈔成帙并為誌其緣起噫先生不
必以詩傳而詩甚清新無些子塵俗氣彼世之專門
名家者亦不是過豈得以雕蟲小枝而忽之哉先緒
十四年嘉平月二日

管廷鏗字北星號辰遠

恬海詩草見杭郡詩三輯

許蔭承字春巖

訥齋遺稿見杭郡詩三輯

錢 詰字笠坡諸生

聽香吟館詩草見杭郡詩三輯

張鳳瑞字柳菴監生

詩隱山房詩存四卷

許仁杰跋云表兄柳菴北湖先生後人為武原馬少
白明俊之壻少耽吟詠不屑事舉子業是稿頃從其
季弟秋樵處得之起壬寅迄癸丑中分言志草守株
草退蠲草醉餘草罵心草望山草琴感草食藿草過
密草歧路草懊儂草味菜草各子目約詩四百首柳
菴弟友笠名煥以詩賦受知于吳侍郎鍾駿今訪其

詩不可得

馬德馨字山桂號秋樵諸生

邁廬集見杭郡詩三輯

冥 燿字靜齋號訥庵嗜吟詠日課一詩有宋人梅宛陵之風

行餘吟草十卷 見硤川詩續鈔

許光濟字幼蘭嗜飲善畫

洗心書屋詩草一卷 見硤川詩續鈔

宋 英字醒山

六峰吟草一卷 見硤川詩續鈔

張 均字湘石監生家溇溪與管庭芬鄰得其指授頗工吟詠

守素吟稿 見杭郡詩三輯

李邦基字陞階號蘭坡

醉吟閣詩草 見杭郡詩三輯

曹 鐘步垣子字鯨華號篁坡諸生

瑣瑣葡萄居一卷 見硤川詩續鈔

蔣熙鴻字索梅

索梅吟稿一卷崔氏以學序

蔣士燮楷子字理齋號藹人工書曉起每臨法帖數百字

三十年如一日

餘事學詩樓吟草一卷

從子學堅序云先大父有子五亡者三人皆以所能
鳴藹人伯父以書韻泉叔父以畫先君子以詩而其
實三人皆能詩叔父早故詩稿散佚先君子嘗稱其
能詩伯父之詩苦心孤詣必憂憂獨造力追古人不
可到之境人莫知其能詩後避亂西村與嘉興楊小
鐵父子同居楊子稱其能詩伯父之不以詩名蓋以
書掩也先君子亦能畫晚更究心經義有太戴禮集
說孟子音義攷證而人但知其能詩豈非以詩掩耶

今秋無事輯伯父詩為一卷顏曰餘事學詩樓吟草
伯父所自題也嗚呼觀題名之意以詩為餘事則知
人以書稱伯父者亦非伯父之所欲也而人顧遺其
鉅而稱其細此伯父所以苦吟終身不欲更令人見
乎同治乙丑

沈之漢字山樵為閣學翼機後人工詩嗜飲

金壇竹枝詞卷 見硤川詩續鈔

蔣光煦字日甫一字愛荀號生沐自號放庵居士諸生候
選訓導

東湖叢記六卷

德清俞太史樾序云昔班固本七略作藝文志於每書之下往往撮舉其大旨雖史家體例略而未詳然如古五子十八篇注云自甲子至壬子說易陰陽調言十八篇注云陳人君法度雖後世不見其書而得此一語尤可見其梗概至宋王厚齋氏又據撫遺文為之補志古書古義賴有十一之存厥功偉矣自是以後蒐遺補逸遂成一家之學至我朝而鉅儒輩出皆信而好古崇實學而掃空談若竹垞朱氏之經義考叢門何氏之讀書記原本經史提要鈎元使承學之士窺制述之藩籬識文章之體要而麻沙傳刻之

訛亦藉以辨別意甚善也海昌生沐蔣君自十齡即喜購書其家藏書甲於浙右所得多宋元槧本及舊鈔本既出其所藏者刻為別下齋叢書而又有東湖叢記六卷則皆其所見異書秘籍而金石文字亦附見焉自序稱破籍斷碑性所癖嗜叢零掎拾自備遺忘然其書實精審與同時嘉興錢警石先生曝書日記可相伯仲原板燬于兵燹哲嗣澤山孝廉謀重刻之乃以示余且屬為之序余自惟譎陋汾河委笑夙非成誦何足序君之詩哉重違孝廉之請又嘉孝廉昆仲皆能讀父書於大亂之餘抱殘守缺孜孜不倦

昌黎不云乎固宜長有人文章紹編刻奈讀此編既
歎老輩人讀書之精審而又深為孝廉昆仲望也
潘廣文喜陶跋云生沐表叔早歲孤露稟承慈教購
書之費太夫人每出所蓄資之頃出示東湖叢記六
卷陶讀而善之愆憑付梓曰宋劉昌詩有云非敢以
傳世也願聞其誤焉爾今茲刻亦此意云
自序云僻處海隅屏居家術足跡所至不出吳地見
聞寡陋良足深慚惟破籍斷碑性所癖嗜累月窮年
遂有所積隨得隨鈔初無義例叢零掎拾自備遺忘
藏諸篋衍匪以問世云爾

別下齋叢書八十六卷道光十七年刊 涉聞梓舊一
百卷咸豐元年刊 斟補隅錄十四卷光緒間子廷黻
重刊 花事草堂吟稿一卷附刊谷湖聯吟後

海昌著錄續攷卷四

石南老人蔣學堅撰

門人費寅校錄

陸以鐸字畚莊號更生郡貢生習法家言嘗游汴游晉游蜀繼至井門年七十餘忽思歸抵家而卒

綠榆山莊詩稿見杭郡詩三輯

孫祖望字輔周號芝眉監生候選衛千總急公好義咸豐丙辰大旱嘗助貲開平湖虹橋堰

半存吟一卷光緒十五年孫清搜輯與其弟祖珍京詩各一卷合刻總名曰雪映廬遺稿祖珍詩已見錢氏備

志故不復載末附雪映廬唱和彙存一卷皆昆季三人
與徐家駒管庭芬周在思唱酬之作

孫祖京祖望弟字蓉塘

閒中吟一卷

兄祖望跋云予弟蓉塘好吟詠兼長八分書著有閒
中吟一卷朱佛眉曹笑拈各為之序弟於咸豐丙辰
年得咯血症逝世同治壬戌避難村居長孫清欲觀
其詩予問姪輩知亂難時已歸烏有予尚記憶數首
之後長孫於叔後殘書中檢得百餘首皆當年之初
稿隨手夾入帙中者始知萬物之得失固有前定予

擇其筆跡類吾弟者亦錄之成一冊惜存者少而失
者多年月皆不可考耳 光緒十一年姪孫清校刊
朱承祐原名德芝字心培號子受庠貢生

重修桃源朱氏宗譜二十卷附七里松支譜三卷光緒
十年刊番禺許氏應騷序

朱 鶴字鳳羣號紫崖自號溪東隱監生居雖近市而
小築數椽羅致圖書金石甚夥庭前則雜蒔花木暇輒
吟詠其間頗有瀟洒出塵之概

銜雲閣詩鈔二卷

張 濤字鐵庵

補讀樓詩文稿四卷後附雜著一卷族姪士寬校刊
蔣 遇字雲騰官安徽太平典史

際庵詩文集燬于兵

蔣懋勛字梅坡官沐陽知縣

西湖漁莊集未刊

沈 煊字丙岩諸生

丙岩吟草未刊

陳錫麒字襄夔號湘葵同治壬戌進士官至天津河捕同
知

仕學初枕記一卷光緒六年刻于點石齋有薛氏斯來

李氏文杏朱氏采題跋

一間老屋詩稿

見輯軒續錄

吳文漪乙照子原名迪字抑亭號潛民同治壬戌歲貢

東海齋生幻影編未刊

全椒薛氏時雨序略云潛民生初白之鄉於敬業一

集不啻童而習之故其詩體多藻密亦與之近會東

南兵事起浙西郡縣全陷君轉徙烽火之間竄伏兇

狼之側流離艱險多人所未歷者故發為歌謠怨憤

蒼涼體格一變

蔣春焯星炳子字笛梅

笛梅詩稿一卷 見馬氏洵五千卷室詩集

馬自熙字崙士年三十有五作悼生賦後果不永年

碧山草堂遺稿 見杭郡詩三輯

周錫鯤字文江諸生

草窻吟稿一卷 見硤川詩續鈔外集

蔣仁榮楷子字修華號杉亭

孟子音義攷證二卷刊入 皇清經解續編

俞太史樾序云日知錄言孟子書字多近今如知作智說作悅女作汝辟作避弟作悌疆作強之類與論語不同蓋孟子一書自唐以前列入諸子中陸德明

作經典釋文老莊與焉而孟子不得與至宋孫奭始據張鎰丁公著陸善經三家之書而成孟子音義二卷自是以後讀孟子者始有以考正文字辨別訓詁厥功詎矣海寧蔣杉亭先生家富書籍幼工詞翰十年以後返而窮經尤致力於孟子音義一書博采諸家廣徵羣籍有可以審定其音發明其義者逐條蒐輯成音義攷證二卷先生歿後長沙王益吾大司成采入 皇清經解續編於是海內皆知有是書矣其子子貞欲別為單行本以行於世而乞余一言以弁其端余讀其書如謂餒之當作餒簿之當作簿契之

當作念莩之當作變皆根據許書足以匡俗而正謬
又如歡樂之當為勸樂趨北海之當為趨北海則於
經文亦有訂正之功而如將比諸侯之比當讀毗必
切衿兄之臂之衫當讀徒展切則吾輩童而習之沿
訛而不覺者也然則讀孟子者不可無孫氏音義而
治孫治音義者安可無先生此書哉余年衰學退於
此書不能有裨萬一惟念孫氏音義一以趙注為本
而與趙臺卿同時注孟子者尚有高誘雖其書不傳
而散見於國策呂覽淮南子注者尚十得二三余
曾采取為孟子高氏學惜先生已歸道山不及與之

討論也光緒壬辰五月上泮

大戴禮集說未分卷 師經室文稿一卷 師經室詩
稿四卷崔氏以學序

學堅謹按先君詩初名小飛來山棲見秀水于氏
源燈窓瑣話後更今名

潘誦先字薇卿廩貢生官太平訓導工制藝從游甚眾晚
年主講安瀾書院

春靄堂駢體文今佚 薇軒吟草見韜軒續錄

許誦嘉榘子字子震增生官鎮海訓導

綠槐影移詩彙弟誦宣宰梁溪携至任所謀付梓適官

署火遂燬

許誦成棧子字應甫工篆隸嗜吟詠

玉海樓遺稿與兄誦嘉詩稿同燬於火

陸錦雯字來章號萊莊與同里張濤同隱於賈稱花溪二布衣

偷閒吟八卷

見鵬湖陸氏詩存杭郡詩三輯無卷

蔣光烈楷子字錫申號志亭又號韻泉工畫早卒

清娛室小草一卷見秀水于氏源燈憲瑄話

曹桂墀原名桂滋字笑拈庠貢生候選刑部司獄嘗參蔣果敏戎幕好吟咏老而彌篤無子年六十有六以微疾

卒于杭州客舍

拈花室小草

見輶軒錄補遺

張兆荼字芬木號墨林諸生

五十學詩齋集四卷未刊有朱近祺管庭芬序錢泰吉應時良題詞

沈壽榕字朗山號意文官至雲南蒞法道

玉笙樓詩草

見杭郡詩三輯

陳其縉字笏魚監生

養吾愚廬詩集

見杭郡詩三輯

查春榮字欣木號桐山又號默仙習岐黃術賣藥於市與

同里張濤友善

陸居舟吟草三卷分舌耕秋鳴琴毀諸子目

陳毓性字子仙善奕道咸間海內推為第一

晴川會奕偶存一卷同治四年刊于湖北有沈氏祥詩

安氏培錠吳氏晉序劉氏鰲跋鄭氏其泰蕭氏振霖蔡

氏增元張氏固塋蕭氏彬閱氏兆琛題辭

漢江對弈圖譜一卷光緒二年刊定遠方氏濬頤序

羊咸熙字朝衡號黼堂晚號悔木居士候選布政司經歷

工書善詩性高峻辛丑夷警上書大府不獲因聞林文

忠被逮痛哭數日凡器幣之自外域來氏概不以克服

用

敬慎居詩稿二卷光緒十一年出嗣子復禮校刊于羊城

許秉鈞元燮子字魯卿

魯卿近稿見杭郡詩三輯

張鶴瑞駿孫字田號儷琴廩生

慕親子憶存草見輔軒續錄補遺杭郡詩三輯

嘉興

錢氏泰吉曰君為荔園先生文孫孝友克家鄉黨稱頌
歲癸丑余與君居比鄰見君處家雍睦待物和平以砥
行教子弟訓生徒講解必發明孝友二字每至泣下由

是益器重之

張兆榮字愚山候選知縣

長蘆鹽法備考十卷 筆花館尺續四卷並未刊

許葆光魁梧子字問樵

問樵遺稿未刊

張 敏字棟園

鷗盟集一卷張均序 春吟草一卷並未刊

高鳳藻予綬從子諸生

金粟盦詩稿未刊

高鳳翰鳳藻弟諸生

豫游草未刊

朱榮慶字一齋郡廩生

一齋吟稿 見花園譜

陸桂芬嘉淑七世孫一名梓字子雲號夢周

洛埃居詩鈔孫清編次未刊

鍾 熙字平山監生

勸世格言十二卷未刊

高溥滋字北渠諸生

一粟廬吟稿 見杭郡詩三輯

馬振元字簡香江蘇候補縣丞

拜竹庵詩草 見杭郡詩三輯

徐鴻釐字冰倩號歛秋諸生

洛溪書堂詩草

案兩浙輜軒續錄及杭郡詩三輯俱作洛溪誤
越吟二卷同里蘇氏士本楊氏鳳翰序

又管氏庭芬序云越中余舊游之地也憶戊子之秋
偕友泛湘湖歷柯亭而返己酉冬復偕六舟素月二
上人之甬東歸寓雲門匝月徧探禹穴蘭亭諸勝各
有詩紀之然顏唐荒率之辭不足以質大雅故稿皆
不存頻年以來粵匪大舉入寇江浙諸郡皆震動學

士大夫每渡江趨避君亦挈眷詣越時越尚無事暇
日每與諸君流泛鑑湖之棹以遣旅愁幾忘有江北
風烟之慘客冬武林復陷海昌亦隨失守寇由蕭山
富春直逼越郡戰士不能以甲楯保會稽守土者皆
紛紛潰散君於流離播遷之餘尚不廢嘯歌集中避
亂感事諸篇託諷比詞皆以慷慨流涕出之苦心孤
詣無不卓卓可傳夫元之末季尚有邁里古思協民
力以守越李珍等尚能出堅近遠卻紅巾之寇作保
越錄以紀其事支守數年然後降於明末若今日
國家當景運方亨之際而棄越之速且易者如此論

世者殊堪扼腕矣蓋于越在吾浙地望為最古山川
為最淑人文為最雋君於登臨訪古之餘銜杯高唱
為其地賢豪長者所推許雖鬱抱未舒則亦不虛此
行矣今夏寇氣稍熄君得自越旋里彙存所作出以
見眎研章琢句無不鏤肝雕賢以達之且憲周藻密
自拔於塵壒之表則其探原於盛唐居多而復充力
於國朝諸大家故所入不落凡響較余越游舊作殊
有小巫大巫之愧矣於是不揣固陋援筆而弁其端
時同治壬戌重陽前五日

鍾際時字慕堂號菊坡廩生成豐初游皖客阜陽幕中寇

至同人皆去獨際時留助縣令禦寇力卻之大府叙勞
以州同薦未仕卒

靜觀書屋吟稿

見杭郡詩三輯

陳德輝字韞璜號韻篁同治癸酉舉人

韻篁山館詩集一館卷光緒二十年同里張主事葆恩
校刊

居祖懋字縵仙號承香監生候選同知

寡味齋詩集

見杭郡詩三輯

馬慶蓉字澹泉諸生

竹堂集一卷起癸丑訖壬辰光緒二十年張葆恩校刊

蔣光燭字寅昉號吟舫主事銜候選大理寺評事

敬齋雜著四卷刊本前一卷詩後二卷文 武昌張孝

廉裕釗曰蔣君寅昉好讀書藏圖籍數十萬卷遭粵賊

臨浙東西出走海上沂江以至於楚轉徙江漢之間然

必以其藏書自隨不少時委去蓋好之至也

唐仁壽字端甫號鏡香諸生

史記校記已刊 駁孟子字義疏證一卷 評注漁

洋古詩選四卷 諷字室古今體詩三卷

楊禮榮文蓀子字桓伯號柯亭候選訓導工篆籀

春綠小稿 見杭郡詩三輯

查承源字芷珊增貢生江蘇候補府經歷

澄園詩鈔 見杭郡詩三輯

陸元灝以鈞子號春江增貢生與兩弟同居友爱綦篤門

廬之內藹如春和

來吉軒課餘吟草二卷 見杭郡詩三輯

查世溥字周夫號客查附貢生

師竹盦稿文集二卷 詩集十卷 詩餘一卷並未刊

查人舟字正帆號乙蓮諸生

袖海詩存 見杭郡詩三輯

王鴻朗字笈甫嘗客楚北及山左旋隨李制軍鴻藻赴滇

南治案牘以疾卒平生善寫鍾馗變態百出人爭寶之
鍾馗畫記一卷見杭郡詩三輯

鍾 景原名毓奇字嵩生諸生官直隸東光知縣

籥雲書屋詩鈔六卷刊本尹氏佩瑤序周氏乃大跋董
氏式愈趙氏東暄翟氏德觀女史王蘊徽題辭

沈 恕字韻樓諸生

八咏樓吟草四卷續一卷未刊

鍾 峻字仲山官至四川成綿龍茂道晉布政使銜

守撫紀略一卷 敬承堂吟稿 並見杭郡詩三輯

郭沈華昶子字子明號籽民議叙中書科中書

曉巢詩鈔一卷 見硤石詩續鈔

汪仁培字厚村

寒燈百詠管庭芬序未刊

朱士銘葆榮子字仲彙

仲彙詩稿未刊

沈晉參字西香號藕香諸生

藕香室詩一冊不分卷未刊

倪慎言字栗園

斗室吟草 見杭郡詩三輯

徐 泳字壽生號西郭候選縣丞工畫善醫光精篆刻初

居郭溪亂後遷於硤

對薇山館詩存一卷 見硤川詩續鈔 醫案偶存一卷

自序云醫之有案何也如公牘之可稽所以自鑑也
案而偶存何也舉百中之一二以昭慎重也蓋人因
病就醫治而得效分也又何紀效眩奇耶然症有大
小之別治有先後之殊設無案可稽則審病之何確
何誤制方之應奇應偶他日何以證得失較是非就
有道而正耶余性喜讀書而懶於臨證故所遇症均
係羣醫束手而以為決裂者較之初病次第表裏用
藥之法懸殊矣因檢近年偶存之案於叢殘中登諸

是冊以備遺忘云爾光緒丁丑四月

曹景瀛原名蔚字藍甫號懶夫郡諸生

琴味齋學吟草一卷 采菊山莊小稿一卷 靜趣軒

詩草一卷 懶窟吟三卷俱未刊今藏朱昌燕處

倪鑑字麗淵號夢迂監生長於堪輿晚耽禪悅有大空
圖題者甚夥

惜陰餘吟一卷 見硤川詩續鈔

